

## **Altan tobči 'The golden button'**

*basa boyda ejen kitad ulus-i erke-dür-iyen oroγulju .  
altan qayan-i oro abuγsan-i tangγud-un sidurγu qayan  
sonosuγad emiyejü . bayan sartayur-yin köbegün ere  
dordung-yi barayun γar činu bolju alba-yi činu ögsü  
gejü elči ilegegsen bülüge : tere elči ejen-dü ayiladqaju  
qariqui-dur-iyen boyda ejen tngri-yin köbegün gegči  
ünen bayinam : man-u qatun-u genel-dür inu söni jula ülü  
kereglekü bui : mönggöl-ün γou-a-luγ-a adali busu : gejü  
ene üge kelejü qariba : boyda ejen tayičiγud-un jamuq-a-  
-yin em-e mönggöl-ün γou-a-yi tataju yabuqu aγsan aju :  
dordong-yin üge-yi jamuq-a sonosuγad ejen-dür  
ögülerün: minu mönggölün γou-a em-e-eče kitad-un  
vangganai jangganai sečen nomitay-yin ökin tangγud-un  
sidurγu qayan-u görbeljin γou-a neretü qatun-u genel-tür  
inu söni jula kereglekü ügei genem : tegüni abasai kemen  
yenggün ögüleksen ajuγu : boyda ejen tegün-ü qoyina  
sartayul ulus-tur bi ayan mordaba : či morda : gejü  
sidurγu qayan-dur elči ilegebei : sidurγu qayan tere elči-  
-dür qamuγ-i ülü ejelen atala qayan bolba kemekü ene  
yayun . qan kümün-dü nököρ yayun kereg gejü ese bolba  
: tere üge-yi sonosuγad ejen altan amin-iyen ügei bolun  
boltala čimayi talbiqu ügei gejü aman abuγsan bülüge :  
tere ebül ebüljejü . tangγud irgen-dür morilay-a kemen  
sin-e toy-a čerig toyulju . tangγud-un sidurγu qayan-u  
qara qangsiyar-tu sira qongγor kögelig neretü noqai iručü  
genem gejü : yisün köl-tü čayan tuγ-iyen jalan qadquju  
γurban üy-e mordan bayuba :*